



SLUŽBENE NOVINE

OPĆINE MAGLAJ

BROJ
8/23

Maglaj, 22.6.2023. godine

„Službene novine Općine Maglaj“
Izdaje: Služba Općinskog načelnika i Općinskog vijeća
Općina Maglaj, Viteška 4, Maglaj
Za izdavača: Mirsad Mahmutagić – Općinski načelnik Maglaj
Tel.: 032/465-810; Fax: 032/465-817; E-mail: vijece@maglaj.ba

AKTI OPĆINSKOG VIJEĆA**423.**

Na osnovu člana 33. stav (2) i (3) Zakona o pravobranilaštvu („Službene novine Zeničko-dobojskog kantona“, broj: 12/13), člana 12. tačka 3. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/23, 34/03 i 65/13) i člana 18. Statuta Općine Maglaj („Službene novine Općine Maglaj“, br. 8/07, 3/08 i 6/08), na prijedlog Općinskog načelnika Maglaj, Općinsko vijeće Maglaj na 28. redovnoj sjednici, održanoj 22.06.2023. godine, donosi

ODLUKU**o imenovanju Općinskog pravobranioca Općine Maglaj****Član 1.**

Azra Čakrama, diplomirana pravica/magistrica pravnih nauka, imenuje se za Općinskog pravobranioca Općine Maglaj, na period od četiri (4) godine.

Član 2.

Ova Odluka stupa na snagu danom donošenja i bit će objavljena u „Službenim novinama Općine Maglaj“.

Broj: 02-04-1-1075/23

Maglaj, 22.06.2023. godine

PREDSJEDAVAJUĆA
Svjetlana Zamboni s.r.

424.

Na osnovu člana 18. Statuta Općine Maglaj-prečišćen tekst („Službene novine Općine Maglaj“, br. 8/07, 3/08 i 6/08), Budžeta Općine Maglaj za 2023. godinu i Odluke o izvršenju Budžeta Općine Maglaj za 2023.godinu („Službene novine Općine Maglaj“, broj: 13/22), na prijedlog Općinskog načelnika Maglaj, Općinsko vijeće Maglaj, na 28. redovnoj sjednici, održanoj 22.06.2023. godine, donosi

KRITERIJE**za dodjelu stipendija redovnim studentima I i II ciklusa studija sa područja općine Maglaj za akademsku 2022/2023. godinu****I**

Iz Budžeta Općine Maglaj za 2023. godinu dodjeljuju se stipendije redovnim studentima I i II

ciklusa studija s prebivalištem na području općine Maglaj, koji ispunjavaju uvjete utvrđene ovim Kriterijima.

II

Stipendija može biti dodijeljena studentima koji ispunjavaju slijedeće uvjete:

- da imaju prebivalište na području općine Maglaj,
- da su redovni studenti I i II ciklusa studija na javnim visokoškolskim ustanovama u Bosni i Hercegovini,
- da u akademskoj 2022/2023. godini ne koriste stipendiju ili studentski kredit od nekog drugog subjekta.

Pravo na dodjelu stipendija NEMAJU studenti:

- koji obnavljaju godinu studija na istom ili drugom fakultetu,
- koji su u statusu apsolventa,
- koji studiraju na privatnim visokoškolskim ustanovama,
- koji studiraju izvan Bosne i Hercegovine.

III

Studentske stipendije se dodjeljuju za akademsku 2022/2023. godinu, a visina je utvrđena Odlukom o dodjeli studentskih stipendija redovnim studentima I i II ciklusa studija sa područja općine Maglaj za akademsku 2022/2023. godinu.

Općinski načelnik Maglaj će nakon prethodno provedenih konsultacija sa privrednim subjektima i institucijama utvrditi i opredijeliti strukturu deficitarnih zanimanja.

IV

Visina studentskih stipendija će biti utvrđena shodno prijavljenom broju studenata koji ispunjavaju uvjete Konkursa, uz konsultacije sa nadležnom komisijom Općinskog vijeća Maglaj, uz saglasnost Općinskog načelnika Maglaj. Prijedlog liste kandidata za dodjelu stipendija utvrđuje se na osnovu ostvarenih bodova po sljedećim Kriterijima:

Opći uspjeh u prethodnom školovanju za studente prve godine određuje se uzimajući u obzir opći uspjeh u posljednje četiri godine obrazovanja u srednjoj školi, a boduje se kako slijedi:

Prosječna ocjena 4,50 – 5,00	180 bodova
Prosječna ocjena 3.50 – 4,49	140 bodova
Prosječna ocjena 2,50 – 3,49	100 bodova
Prosječna ocjena 2,00 - 2,49	60 bodova

Opći uspjeh u prethodnom školovanju za studente viših godina, određuje se uzimajući u obzir ocjene

svih položenih ispita (za studente II ciklusa ovjeren prosjek i ocjena iz I ciklusa) i položeni ispiti u 2021/2022. akademskoj godini, a boduje se kako slijedi:

Prosječna ocjena 9,00 – 10,00	180 bodova
Prosječna ocjena 8,00 – 8,99	160 bodova
Prosječna ocjena 7,00 – 7,99	120 bodova
Prosječna ocjena 6,00 – 6,99	80 bodova

Studenti deficitarnih zanimanja i učenici generacija za I godinu odmah ostvaruju 200 bodova, čime ostvaruju prednost u odnosu na ostale studente.

STUDENTI SA ISTIM BROJEM BODOVA

Za slučaj da se prilikom bodovanja pojavi više studenata sa istim brojem bodova, odlučujući kriterij za dodjelu stipendije bit će prosjek ocjena, u smislu hronološkog upisa na preliminarnim/konačnim listama.

V

1. Općinski načelnik Maglaj raspisuje konkurs i objavljuje putem lokalnog medija, te na oglasnoj ploči i internet stranici Općine Maglaj.
2. Prijave na konkurs kandidati dostavljaju Službi za boračko-invalidsku i socijalnu zaštitu, opću upravu i društvene djelatnosti Općine Maglaj, sa naznakom „Komisija za dodjelu općinskih studentskih stipendija“.
3. Komisija za dodjelu stipendija, imenovana rješenjem Općinskog načelnika Maglaj, provodi propisanu proceduru i utvrđuje prijedlog rang-liste koji dostavlja Komisiji za obrazovanje, nauku, kulturu i sport Općinskog vijeća Maglaj i Općinskom načelniku Maglaj.
4. Nakon dostave mišljenja Općinskog načelnika i Komisije za obrazovanje, nauku, kulturu i sport Općinskog vijeća Maglaj, rang lista za dodjelu stipendija objavljuje se na oglasnoj ploči i internet stranici Općine Maglaj.

Eventualne žalbe na rang-listu podnose se Komisiji za obrazovanje, nauku, kulturu i sport Općinskog vijeća Maglaj putem pisarnice Općine Maglaj ili pošte u roku od 8 (osam) dana od dana njenog objavljivanja na oglasnoj ploči i internet stranici Općine Maglaj.

Komisija za obrazovanje, nauku, kulturu i sport Općinskog vijeća Maglaj je dužna u roku od 8 (osam) dana razmotriti žalbe, te nakon toga utvrditi i objaviti na oglasnoj ploči i internet stranici Općine Maglaj konačan spisak studenata kojima se dodjeljuje općinska stipendija.

VI

Isplatu stipendija vršit će nadležne općinske službe putem tekućeg računa studenta, a u skladu s dinamikom punjenja Budžeta Općine Maglaj.

Broj: 02-04-1-1076/23

Maglaj, 22.06.2023. godine

PREDSJEDAVAJUĆA
Svjetlana Zamboni s.r.

AKTI OPĆINSKOG NAČELNIKA**425.**

Na osnovu člana 29. i 106. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine FBiH", br. 39/03, 22/06 i 43/10), Pravilnika o načinu rada i funkcioniranja štabova i povjerenika civilne zaštite ("Službene novine FBiH", br. 77/06 i 5/07), člana 1. Odluke o osnivanju Općinskog štaba civilne zaštite Maglaj ("Službene novine općine Maglaj", broj:2/04) i člana 42. Statuta općine Maglaj ("Službene novine općine Maglaj", br. 08/07, 3/08 i 6/08), Općinski načelnik Maglaj d o n o s i

RJEŠENJE**o imenovanju članova Općinskog štaba civilne zaštite Maglaj****Član 1.**

Imenuju se članovi Općinskog štaba civilne zaštite Maglaj u sljedećem sastavu:

1. Mirsad Mahmutagić, komadant OpŠCZ
2. Anto Maglica, načelnik OpŠCZ,
3. Uma Isić, član OpŠCZ za zamračivanje, evakuaciju i logistiku,
4. Eldina Mehinagić, član OpŠCZ za zbrinjavanje ugroženih i nastradalih,
5. Nedžad Čatić, član OpŠCZ za zaštitu i spašavanje od ruševina i zaštitu okoliša i sklanjanje ljudi i materijalnih dobara,
6. Svjetlana Zamboni, član OpŠCZ ispred Centra za socijalni rad,
7. Nejra Nalić Medžić, član OpŠCZ za prvu medicinsku pomoć i zaštitu od RHB sredstava,
8. Salko Plančić, član OpŠCZ za poslove iz nadležnosti MUP-a,
9. Amira Zukić, član OpŠCZ za asanaciju terena, zaštitu i spašavanje životinja i namirnica životinjskog porijekla i biljnih proizvoda,
10. Ismar Mehinagić, član OpŠCZ za osiguravanje i dostavu hrane, vode za piće i osiguravanje krvi i krvne plazme,
11. Haris Šahman, član OpŠCZ za zaštitu od požara i spašavanje na vodi,
12. Arif Mujkanović, član OpŠCZ za spašavanje ljudi i materijalnih dobara od prirodnih i drugih nesreća,

13. Elza Gračić, član OpŠCZ za administrativne poslove (sekretar).

Član 2.

Ovim Rješenjem stavlja se van snage Rješenje o imenovanju članova Općinskog štaba civilne zaštite broj: 07-40-4-1191/22 od 07.06.2022. godine i Rješenje o izmjeni Rješenja o imenovanju članova Općinskog štaba civilne zaštite broj: 07-40-4-1191-1/22 od 07.07.2022.. godine.

Član 3.

Ovo Rješenje stupa na snagu s danom donošenja i ima se objaviti u „Službenim novinama Općine Maglaj“.

Broj: 07-40-4-1078/23

Maglaj, 23.06.2023.godine

OPĆINSKI NAČELNIK**Mirsad Mahmutagić s.r.**

SADRŽAJ**AKTI OPĆINSKOG VIJEĆA**

423. ODLUKA o imenovanju Općinskog pravobranioca Općine Maglaj 176
424. KRITERIJI za dodjelu stipendija redovnim studentima I i II ciklusa studija sa područja općine Maglaj za akademsku 2022/2023. godinu 176

AKTI OPĆINSKOG NAČELNIKA

425. RJEŠENJE o imenovanju članova Općinskog štaba civilne zaštite Maglaj 178